

UGOVOR broj
o korištenju distributivne mreže

UGOVORNE STRANE

Varijanta a) pravno lice

1.

<i>Naziv pravnog lica (firma)</i>
<i>Općina i adresa</i>
Identifikacioni broj : PDV broj..... Ostali podaci.....

koga zastupa (*ime i prezime, funkcija*).....
(u daljem tekstu: Kupac)

Varijanta b) za fizička lica

1.

<i>Ime i prezime</i>
<i>Općina i adresa</i>
Broj lične karte/pasoša : Ostali podaci.....

Identifikacioni broj kupca (EPID):
(u daljem tekstu: Kupac)

2. Javno preduzeće Elektroprivreda Bosne i Hercegovine d.d. - Sarajevo, Podružnica "Elektrodistribucija"(*ime podružnice*)..... , (*adresa*)... koju zastupa direktor, (*v.d. direktor*) ili ovlašteno lice (u daljem tekstu: ODS).

Član 1.

Predmet ovog Ugovora je uređenje međusobnih odnosa ugovornih strana o korištenju distributivne mreže na koju je Kupac priključen na osnovu Elektroenergetske saglasnosti, broj..... izdate dana..... i Ugovora o(*izbor varijante*)..... priključenju/povećanju/smanjenju priključne snage.

Priključenje na distributivnu mrežu je izvedeno preko obračunskog mjernog mjesta broj koje se nalazi na adresi(*grad/općina i ulica*)..... . Kupcu je odobrena priključna snaga odkW za namjenu..... i kategoriju potrošnje.....

Ugovorne strane su saglasne da se prilikom prvog priključenja ili izmjene na obračunskom mjernom mjestu zajednički utvrdi početno stanje brojila za obračun isporučene električne energije.

Član 2.

ODS stavlja na raspolaganje Kupcu distributivnu mrežu prema uslovima iz ovog Ugovora i Uslovima korištenja distributivne mreže koji su u prilogu ovog ugovora i čine njegov sastavni dio, uz poštovanje važećih zakona, odredbi Opštih uslova za isporuku električne energije, tehničkih pravilnika u primjeni, kao i pravila i propisa Regulatorne komisije za energiju u Federaciji Bosne i Hercegovine-FERK (u daljem tekstu: FERK) i akata JP Elektroprivreda BiH d.d. - Sarajevo.

Kupac se obavezuje da će distributivnu mrežu i priključak koristiti samo za vlastite potrebe, u skladu sa uslovima iz Elektroenergetske saglasnosti iz člana 1. i ovog Ugovora.

Član 3.

Varijanta a) za novi priključak na niskonaponsku mrežu.

ODS je vlasnik priključka i preuzima obavezu održavanja priključka i mjernih uređaja, u skladu sa Opštim uslovima za isporuku električne energije.

ODS nije vlasnik usponskih vodova od kablovskog priključnog ormara do mjernih ormara sa brojilima u stambenim ili stambeno-poslovnim ili poslovnim zgradama ukoliko su mjerni ormari ugrađeni po etažama.

ODS nije vlasnik glavnih razvodnih i mjernih ormara u stambenim ili stambeno-poslovnim ili poslovnim zgradama.

Varijanta b) za novi priključak na srednjenaponsku mrežu.

ODS je vlasnik srednjenaponskih elektroenergetskih objekata i to:.....(*nabrojati sve elektroenergetske objekte koji su u vlasništvu ODS-a*)....., uključivo i mjernog mjesta.

ODS kao vlasnik elektroenergetskih objekata iz stava 1) ovog člana preuzima obavezu održavanja priključka i verifikacije mjernih uređaja, u skladu sa Opštim uslovima za isporuku električne energije.

Varijanta c) za postojeće krajnje kupce koji su vlasnici priključka i prenose pravo vlasništva na ODS.

Kupac prenosi vlasništvo nad tehnički ispravnim priključkom, uključujući i mjerni uređaj ODS-u, bez naknade, radi daljeg upravljanja i održavanja.

Varijanta d) za postojeće krajnje kupce koji su vlasnici priključka i koji ne prenose pravo vlasništva na ODS.

Kupac zadržava u svom vlasništvu priključak, uključujući i mjerni uređaj a ODS će održavati priključak i mjerni uređaj, u skladu sa Opštim uslovima za isporuku električne energije.

U skladu sa ovim Ugovorom Kupac je obavezan da:

- a) snosi troškove redovnog i investicionog održavanja vlastitog priključka,
- b) snosi troškove održavanja i baždarenja mjernih uređaja,
- c) pisanim zahtjevom zatražiti intervenciju za otklanjanje bilo kakvog kvara na priključku, te o vlastitom trošku snosi otklanjanje kvarova.

Član 4.

ODS je obavezan vršiti ispravno i redovno očitavanje mjernih uređaja Kupca u pravilu mjesečno. Po potrebi, očitavanje može biti i češće, a obavezno je prilikom zamjene brojila, promjene tarifnih stavova i promjene snabdjevača električne energije.

Kupac je dužan plaćati korištenje distributivne mreže u skladu sa tarifnim stavovima za korisnike distributivnog sistema koje utvrđuje FERK, prema obračunu iskazanom na računu(*izbor varijante*)..... za isporučenu električnu energiju/korištenje distributivne mreže.

Kupac je dužan platiti dostavljeni račun u roku od 15 (petnaest) dana od dana očitavanja mjernog uređaja ili u roku koji je utvrđen na računu.

Ako Kupac ne plati račun iz prethodnog stava ovog člana u roku dospijeca,(*izbor varijante*)..... ODS/Snabdjevač će obračunati zakonsku zateznu kamatu koju će iskazati po izvršenoj uplati na prvom slijedećem računu.

Član 5.

Stupanjem na snagu ovog Ugovora Kupac stiče pravo korištenja distributivne mreže.

U slučaju prestanka ovog Ugovora, ODS neće dozvoliti korištenje distributivne mreže i izvršit će, u skladu sa Opštim uslovima za isporuku električne energije, isključenje objekta Kupca sa distributivne mreže.

Član 6.

Rok važenja ovog Ugovora nije ograničen.

Izuzetno, u slučaju kada je Kupcu izdata Elektroenergetska saglasnost na određeni period, ovaj Ugovor važi do isteka roka važenja Elektroenergetske saglasnosti.

Član 7.

Kupac može podnijeti zahtjev ODS-u da se ovaj Ugovor ustupi drugom krajnjem kupcu na određeno vrijeme, pod uslovom da je izmirio sve novčane obaveze nastale do dana privremenog ustupanja Ugovora, dostavio ovjerenu izjavu o solidarnom podmirenju budućih novčanih obaveza sa novim krajnjim kupcem, te ugovor o zakupu ili korištenju objekta zaključen između Kupca i lica na kojem se ustupa Ugovor, u skladu sa Opštim uslovima za isporuku električne energije.

ODS će dati pristanak na ustupanje ovog Ugovora u formi pisane saglasnosti, ukoliko su ispunjeni uslovi iz prethodnog stava ovog člana.

Član 8.

Ugovor o korištenju distributivne mreže može prestati iz sljedećih razloga:

- a) isključenje/privremeno isključenje objekta Kupca sa mreže u roku dužem od pet godina,
- b) na pisani zahtjev za raskid ugovora od strane Kupca, pod uslovom da je izmirio sve neizmirene obaveze prema ODS-u,
- c) na pisani zahtjev za raskid ugovora od strane ODS-a, u slučaju ako Kupac ne otkloni razloge zbog kojih mu je obustavljena ili naložena obustava snabdijevanja električnom energijom u roku od 90 dana od dana obustave, ili dana kada je pokušano izvršenje obustave,
- d) smrti Kupca, odnosno prestanka pravnog lica u svojstvu Kupca ili
- e) nastupa drugih okolnosti za prestanak ugovora prema odredbama važećih zakona i Opštih uslova za isporuku električne energije.

Ugovorna strana koja pokreće postupak raskida Ugovora o korištenju distributivne mreže zbog neispunjenja obaveza druge ugovorne strane, obavezna je prije podnošenja pisanog zahtjeva za raskid Ugovora dostaviti pisanu opomenu drugoj ugovornoj strani o neizvršavanju obaveza sa dodatnim rokom za ispunjenje tih obaveza.

Dodatni rok iz prethodnog stava ovog člana Ugovora ne može biti duži od 30 dana.

U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, ni u ostavljenom roku ne ispuni obaveze iz Ugovora, ovaj Ugovor se smatra raskinutim.

Član 9.

Ugovorne strane su saglasne da međusobne obaveze koje nisu regulisane ovi Ugovorom rješavaju u skladu sa Zakonom o električnoj energiji u Federaciji BiH, Opštim uslovima za isporuku električne energije i Mrežnim pravilima, te Pravilnikom o metodologiji za izračunavanje naknada za priključenje i definisanje rokova i uslova za priključak na distributivnu mrežu, Pravilnikom o mjernom mjestu i drugim aktima JP Elektroprivreda BiH d.d.-Sarajevo.

Član 10.

Sve eventualne sporove ugovorne strane će rješavati prvenstveno sporazumno u duhu dobrih poslovnih odnosa i uzajamnog povjerenja.

U slučaju spora koji se ne može riješiti sporazumno, ugovorne strane su saglasne da se isti riješava pred stvarno nadležnim sudom u(*sjedište Podružnice*)..

Član 11.

Sve izmjene Ugovora o korištenju distributivne mreže mogu se vršiti isključivo i samo uz pisanu saglasnost ugovornih strana.

Član 12.

Ovaj Ugovor stupa na snagu danom obostranog potpisivanja.

Ugovor je sačinjen u dva (2) istovjetna primjerka od kojih svakoj ugovornoj strani pripada po jedan (1) primjerak.

ODS

.....
(*ime i prezime*)

(*funkcija*)

U, datum god.

Kupac

.....
(*ime i prezime*)

Broj l.k.:

Datum